

4
LE TRIOMPHE

De la Charité admirable

DE SAINT

FRANCOIS

DE SALES

Presenté au Pape

INNOCENT


VNZIESME.



A R O M E ,
Chez Philippe Marie Mancini. 1676.

Avec permission des Superieurs .

AV P A P E INNOCENT VN ZIESME.



RES SAINT PERE

*Sans offenser le respect que je
doibs a cette modestie Chrestienne
de Vostre Sainteté, qui l'empesche
d'entendre tous les iours ses louanges;
Je viens mettre a vos pieds les tro-
phées de la Charité admirable de
Saint François de Sales; & faire
voir le plus discrettement qu'il me*

A 2 sera

sera possible, les rapports de vostre
 vertu eminente avec la Sienne. C'est
 elle, tres Saint Pere, qui l'à rendu
 la gloire de son Eglise particuliere;
 c'est elle qui vous rend la gloire de
 l'Eglise uniuerselle, c'est elle qui luy
 à fait establir de Saintes maximes,
 c'est elle qui vous à fait retrancher
 des abus pernitiex; c'est par elle
 qu'il à sceu abbatre l'heresie, c'est
 par elle que vous ruiuerès l'infideli-
 tè. Francois de Sales à mesnagè la
 paix entre le Roy, & le Duc, dont il
 estoit suiet, Vostre Sainteté la pro-
 cure a toutes les Couronnes qui luy
 sont soubmises; il a esté l'honneur de sa
 patrie, vous estes la gloire de la
 vostre; son eslection a l'Episcopat à
 esté suiui de cris de joye de tout le
 Piedmont, & de toute la Sauoye, la
 vostre

5
vostre à la souveraine dignité de
l'Eglise, à eu les acclamations, & les
applaudissements de tous les Chre-
tiens. Il à finy sa vie le jour des
innocents, vous en commancés une
nouuelle avec le nom d'Innocent, &
l'innocence, qui durera (comme l'on
croit) de lōgues années. Je pourois esti-
dre plus avant ce iuste pararelle, mais
je craindrois ne porter pas assès de
respect a vostre modestie qui m'im-
pose desia le silence. Je n'ay plus des
parolles que pour me dire avec toute
sorte de respects.

TRES SAINT PERE

De Vostre Sainteté

Le tres humble, & tres obeissant
Seruiteur

De Fortia .

A 3

6
Imprimatur,

Si videbitur Reuerendiss. Patri
Mag. Sacri Palatij Apost.

*I. de Ang. Archiep. Urb.
Vicesg.*



Imprimatur,

Fr. Raymundus Capisucchiuss
Sacri Palatij Apost. Mag.
Ord. Præd.

Auant

Auant propos.



Yant entrepris de parler des triomphes, il semble qu'il me soit permis de rappeler le souuenir de ceux de Rome Antienne, lors qu'elle auoit assuiety toutes les Nations a son Empire, & qu'elle n'auoit pas afsès de lauriers pour couronner ses heros; mais j'ay appris de Suetonne, que les plus beaux esprits ont employè leur temps a les descrire. I'ay doncques pensè a d'autres triomphes, les quels demandent esgalement nostre admiration, & nostre curiosità, ce sont ceux du Roy,

A 4 mais

mais ils sont sy connus, & sy
 estimés de tout le monde, que
 ce seroit allumer des flambeaux
 en plain midy, que pretendre en
 donner connoissance au public ;
 prenant plaisir a la matiere, que
 i'auois choisie, & ne la voulant
 pas changer. Je me suis souue-
 nu que l'amour auoit ses tro-
 pheès, & que ceux de Saint
 François de Sales estoient les plus
 glorieux, en effect dans ceux du
 monde, il y à le peril de la vani-
 tè qui enfle, dans ceux cy, il y
 à la charitè qui edifie, c'est à
 ceux de François de Sales que ie
 me suis determinè; la memoire
 de cet heros, qui est honnoreè en
 tous lieux, principalement dans
 l'Italie, me persuade aisement
 qu'il

qu'il y à des ames toutes dispo-
 sees de m'entendre discourir de
 ses trophees ; ce sera apres auoir
 estably pour fondement, qu'il y
 à certaines passions qui tendent
 tousiours au bien, d'autres qui ten-
 dent au mal, l'enuie qui est vne
 tristesse du bonheur d'autrui,
 tend tousiours au mal, la superbe
 est tousiours mauuaise ; & c'est
 sans doute pour ce suiet, que
 Dieu ne voulut pas sauuer les
 Anges ; mais il y à des passions
 qui peuuent estre bōnes, & mau-
 uaises comme l'amour, le quel
 est diuisè en celuy qui est Saint,
 & en celuy qui est profane ; ces
 deux amours different dans leurs
 sentiments, dans leurs mouue-
 ments, & dans leurs actions ; di-
 spensès

ſpensès moy, ie vous prie, d'en
 faire voir la difference ayant
 impatience de venir a François
 de Sales, ſa paſſion eſtoit l'a-
 mour, & ſon amour eſtoit ſainct;
 il ſembloit qu'il eut faiſt reuenir
 le Ciel ſur la terre, les Saincts
 dans le Ciel ſont dans vne heu-
 reuſe neceſſité, d'eſtre attachés a
 la beauté diuine, noſtre bienheu-
 reux Amant, eſtoit a peupres
 dans cet eſtat, il eſtoit inſepara-
 blement vny a Dieu, & toute ſa
 vie fuſt vn continuel triomphe
 de l'amour ſacrè, l'on luy pou-
 uoit attribuer les parolles qui
 ſont coucheès dans le liure des
 Roys: *Hic fuit bellator ab adole-*
ſcentia, mais celles que Sainct
 Pierre Chriſologue à dites en fa-
 ueur

ueur de Iacob, luy font plus propres, & viennent mieux a mon suiet, c'est a sçauoir qu'il à triomphè aussitost qu'il à commencè de viure, examinons s'il vous plaist, les triomphes de sa charité, & les plus remarquables singularités, c'est le suiet que
 j'ay pris pour entre-
 tenir vostre
 pietè.



Premier

*Premier Triomphe de la nature
dans sa Patrie .*

SY la nature du premier hō-
me, ne se fust point diuisee
d'auec Dieu par le pechè , Fran-
çois de Sales ne feroit pas en pei-
ne de s'armer contre elle , toutes
fois , il est malaisè de conceüoir
qu'il luy ait declarè la guerre ,
veu qu'elle luy auoit faict trois
grands aduantages, premieremēt
elle luy auoit donnè la noblesse ,
car il estoit nè de parents illustres
par le sang, & par la vertu , c'est
a sçauoir de François de Sales
Comte , dont le sur nom estoit
demeurè dans la famille , secon-
dement, elle luy auoit donnè des
riches-

richesses, car ses parents estants
riches, leurs biens le regardoient,
en troisieme lieu, elle luy auoit
donné la beauté, douuient qu'il
auoit la face d'un Ange, nobles-
se, richesses, beauté, voila sans
doute de grands aduantages de la
nature; vous vous trompés, s'es-
crieroit Saint Paulin en ce ren-
contre, ce sont des filets, des em-
busches, des pieges, qu'elle luy
tend pour le faire tomber; quand
a la noblesse que l'on tire de ses
parents, c'est vn bien a estimer,
mais c'est vn bien qui est ausy
fort a craindre, c'est vn bien a
estimer, d'autant que nostre Sei-
gneur ayant a naistre parmy les
hommes, auoit assemblé tout ce
qu'il y auoit de plus noble sur la
terre

terre pour en tirer sa noblesse, car il auoit deux sources de sa noblesse, l'une dans le Ciel, qu'il tiroit du Pere Eternel, l'autre sur la terre qu'il tiroit des Rois, cette noblesse est doncques a estimer, mais c'est vn bien qui est a craindre, accause que la vanité s'empare aisement des personnes nobles; quand aux richesses, elles sont indifferentes, mais depuis le peché du premier homme, elles sont plustost des instruments, qui portent au vice, que des secours pour la vertu; quand a la beauté, bien qu'elle soit innocente, elle peut faire des coupables, elle faict des idolastres, elle s'idolastre elle mesme, il ne faut doncques pas s'estonner sy
 Fran-

François de Sales est armé contre sa nature ; il est vray que c'est vne ennemie qui ne l'attaque qu'avec des roses , mais c'est en cela qu'elle est plus a craindre , & qu'il a plus d'obligation de se tenir sur ses gardes pour sen defendre ; qu'els moyens employe il pour vaincre sa nature , il ne tire point vanité de son extraction , il met toute sa noblesse a s'attacher a Dieu , & a se destacher des creatures , il l'acquiert par ses bonnes moeurs , comme sy elle luy eust manqué par le droict de sa naissance , pour ce qui regarde les richesses , il les sacrifie , il ny a point d'attachement , & sy elles sont dans ses mains , c'est pour les faire passer
dans

dans celles des pauvres, il ne reste plus que sa beauté, il luy donne pour compaignie la modestie, la quelle arreste les mauuais desirs, & inspire l'amour de la pureté a tous ceux qui arrestent sur elle leurs regards ; Nature tu es vaincue, mais cette victoire n'est que sur les choses exterieures, il y a vne autre gloire dans son triomphe, qui est plus considerable ; pour l'intelligence, i'ay a respondre a vne question, sy la nature de l'homme le porte plustost au bien, qu'au mal, l'on donne la decision de cette question en disant, que quand elle nous exciteroit plustost au mal, qu'au bien, il faut bien se donner de garde d'en reietter la faute sur l'auteur

theur de la nature, mais a cette nature, qui s'est desunie d'avec Dieu par le pechè, je sçay que les pecheurs s'excusent en remettant la faute sur leur nature, mais cette excuse n'est pas receüable, parce qu'elle n'est pas sy corrompüe, qu'elle ne les puisse aussy porter au bien; mais la mauuaise habitude, dirès vous, est vn poids, qui l'à faict pancher du costè du mal, mais ne peut on pas avec le secours, & l'assistance de la grace contracter vne bõne habitude, qui l'attire au bien. Paroissèsicy François de Sales, pour rendre tesmoignage a cette verité, la nature, comme il l'à confessè luy mesme, le sollicitoit puissamment a la colere, il ne,

B

fal.

falloit presque rien pour l'enflammer, qu'à il faict, il à demandé a Dieu le secours de sa grace, & l'à obtenu, avec son aide, il à combattu, & s'est vaincu luy mesme, en telle sorte qu'il s'est acquis la vertu contraire a la colere, il n'auoit plus que des sentiments de douceur mesme dans les plus fortes tentations, comme parmy les heretiques qui attentoient a sa vie, parmy les enuieux qui l'attaquoient dans son honneur, parmy ses domestiques qui s'oublioient de leur deuoir. Je ne puis mieux comparer sa vertu qu'a celle de Daud, le quel est principalement loué dans la Sainte Escriture pour sa mansuetude, le Roy Saul le persecuttoit

a ou-

a outrance : vn iour dans l'effort
 de sa perſecution, Dauid ſ'adres-
 ſa a Saul, & luy dit, voſtre ma-
 ieſtè ſe tourmente pour m'affli-
 ger, & me faire la guerre, com-
 me nt ſ'adreſſe elle a vn pauvre,
 chien come ie ſuis, elle pouroit
 tourner ſes armes contre vne
 perſonne qui fuſt d'egalle condi-
 tion a la ſienne, cette humilité,
 & douceur de Dauid, plurent ſy
 fort a ce Roy, qu'elles tirerent
 des l'armes de ſes yeux, ce qui à
 donnè lieu a vn beau doute en
 comparant Moïſe a Dauid, Moï-
 ſe avec ſa verge frappe vne fois,
 deux fois, vne pierre, & en tire
 de leau en abondance, c'eſtoit vn
 miracle, qui en doute? d'un
 autre coſtè Dauid, tiroit des l'ar-

mes des yeux de Saul , qui estoient comme deux pierres, c'estoit encore vne miracle, au quel de ces deux prodiges donnerès vous la preference ? pour moy , dit Sainct Iehan Chrysostome , qui me demãderoit mon sentiment , ie soustiendrois , que celuy de Daud est le plus grand, la raison qu'il en donne est belle, c'est que l'vn *vicit naturam* , l'autre *vicit animum* ; Moise en faisant sortir de l'eau de la pierre à sçeu vaincre la nature , mais Daud en tirant des larmes des yeux de Saul, à surmontè l'esprit, or c'est plus de vaincre l'esprit que la nature . Venons a François de Sales, il à surmontè tous les deux, pour la nature , il l'à tellement vain-

vaincûe, que son coeur fust trou-
 uè sans fiel apres sa mort, le fiel
 s'estoit petrifié par l'estreme
 violence qu'il s'estoit faict a luy
 mesme: quand a l'esprit, il à esté
 alsès ingenieux, alsès adroit, &
 alsès puissant pour adoucir celuy
 des heretiques, qui estoient enra-
 gès contre luy, ceux qui le haïs-
 soient ont changè leur haine en
 amour, ceux qui le tenoient pour
 ennemy l'ont reconnu pour Pe-
 re. Nature tu es vaincue. Je ne
 puis obmettre vn troisieme
 triomphe sur sa nature, le quel
 n'est pas moins admirable, que
 ces deux que je viens de repre-
 senter; François de Sales mon-
 toit vn jour en chaire pour pres-
 cher, arriue vn homme indiscret

B

3

qui



qui luy apporte la triste nouuelle de la mort de son Pere, ce grand Sainct malgré les sentimens de la nature, annonce la parole diuine, puisque i'ay cité Sainct Iehan Chrysostome, ie le vais encore alleguer en l'occasion presente, il loue vn pere de ce qu'ayant esté de longues années, sans voir son fils, qui estoit absent, ce fils estant de retour le Pere & le fils se rencontrerent dans vne Eglise, & pour le respect que le pere portoit a la presence de Dieu, qui estoit dans le Temple, il arresta le sentiment naturel de sa ioye, & différa au sortir de l'Eglise a faire les caresses a ce fils, qui estoit la colonne de sa famille. L'estime,
l'action

l'action de François de Sales plus
digne de louange, son coeur esto-
it blessé par la nouvelle de la se-
paration d'aueir son pere, & quoy
que cet accident l'eut attaqué ru-
dement, il différa de tesmoi-
guer son ressentiment, pour le
respect qu'il portoit a la
parole de Dieu, qu'il
alloit annon-
cer.



*Second Triomphe de l'impurité dans
Padoue.*

A Dam qui à esté le pere, & le parricide tout ensemble du genre humain, auoit auant son pechè la partie superieure de son ame, & l'inferieure dans vn parfait accord: l'inferieure estoit le sens, la superieure estoit la raison, mais le pechè est venu qui a troublé tout cet accord, car le sens qui estoit soumis, ne vouloit plus estre suiet a la raison, bien d'auantage, il luy vouloit commander, si bien que l'homme ayant la vie des sens, qui l'emportoit sur la raisonnable, ne s'arrestoit plus qu'aux choses sensibles

bles, & presentes, Sainct Augustin l'appelle, *bestialis homo*, il ny à point de difference dit ce Pere entre luy, & vne beste. L'Ange de l'Echolle Sainct Thomas se sert d'un argument des contraires pour le prouuer, tout de mesme dit il, que l'homme par la grace, faisant des actions par ce principe, arriue a vne telle perfection, qu'il deuient semblable a Dieu, par la reigle des contraires, celuy qui est a donnè aux plaisirs des sens, faict des actions qui le degradent, qui le rendent semblable aux bestes, & digne de compassion, mais ce mal n'est pas sans remede, il faut faire des efforts; je l'auoue, mais celuy la ne sera point couronné, qu'il n'ait combattu

battu genereusement ; le combat est des plus rudes , c'est pour cela que j'ay dit qu'il falloit faire des efforts, il semble que Saint François de Sales soit né pour les victoires, & pour triompher des sens, il employe deux vertus pour cet effect, l'une estoit l'amour, l'autre estoit la chasteté; que ne peut la charité estant iointe a cette vertu heroique? la chasteté est tousiours avec combat, & l'on tõe souuent, mais quand la chasteté est iointe avec l'amour diuin, elle empesche la cheutte, elle faict que la partie superieure a le desus, l'on peut dire que la victoire est parfaicte de la chair avec l'esprit, sy vous en demandès la raison aux Saints qui se sont

font signalés dans ce combat, cōme Sainct Bernard ils vous résponderont, que la charité est ce feu, que Iesus Christ est venu apporter sur la terre, & comme le feu change tout en feu, & luy imprime ses qualités, ausy l'amour diuin change la chasteté en amour, or la charité est triomphante des sens. Suiués moy, s'il vous plaist, il y à trois vertus dās le Christianisme; la Foy, l'Esperance, & la Charité; par la foy, que croyons nous, les misteres de nostre Religion, les misteres sont au dessus des sens; par l'esperance, qu'esperons nous? les choses futures, comme la felicité eternelle, & cette felicité ne tombe pas sous les sens; par la Charité qu'ay-

qu'aymons nous? nous aymons Dieu, Dieu ne tombe pas sous les sens. La Chasteté qui est changée en amour, est de concert, & d'intelligence avec la charité, car elle à cette heureuse conformité avec elle, qu'elle à fait diuorce avec les plaisirs des sens. Saint François de Sales auoit renoncé aux voluptés les plus innocentes, il estoit Vierge de corps, & d'esprit; O prerogative de la virginité, qui le rendoit egal, Saint Bernard diroit, qui le rendoit supérieur aux Anges; Cassiodore, se seroit escrié, que c'est vne chose admirable de veoir vn ieune homme auoir vn empire sy absolu sur ses sens, dans son ieunage, ou plusieurs s'estimeroient heureux

heureux de l'auoir dans leur vieillesse , il en estoit redeuable a sa charité, car il n'aymoit que Dieu tous ses entretiens estoient de ses diuines perfections , il ressembloit a Moïse , le quel montoit sur la montaigne , & en descendoit , mais il n'en descendoit pas comme il y estoit monté , il y estoit monté , dit Sainct Zenon , comme homme , & en descendoit comme vn Dieu , lequel est appellé *Ignis consumens* ; son visage estoit plein de lumiere , & de feu , mais d'un feu diuin , dont son coeur estoit enflammé . Voicy vne obiection que forment les ennemys de Sainct François de Sales pour diminuer la gloire de son triomphe : dans la vie spirituelle ,

tuelle, disent ils, il ny à point de moyen plus efficace pour s'enflammer en l'amour diuin, que de pratiquer avec les bons ; Sainct Gregoire de Nazianze qui l'auoit esprouuê, dit que nous sommes tels que sont ceux avec les quels nous conuerfons, s'ils sont meschants, nous deuenons meschants, s'ils sont bons nous deuenons bons, les exemples sont puissants pour persuader cette verité. Sainct Augustin fust dans vn Iardin ou il deroba des fruiçts, ce n'estoit pas comme il le confesse luy mesme par gourmandise, ce n'estoit pas pour la rareté de ces fruiçts, c'estoit par complaisance a ses amys, qui l'auoient mené dans ce jardin.

Fran-

François de Sales auoit fuiuy ses
 compagnons qui l'auoient attiré
 dans vne maison ou ils auoient
 faict venir vne fille debauchée
 sous pretexte de le conduire
 dans la maison d'un docteur de
 droit, qu'estoit il besoin d'auoir
 liaison, commerce avec des des-
 bauchés ; Je n'ay qu'une seule
 chose a respondre la dessus , c'est
 la doctrine , que i'ay empruntée
 de l'Abè Gilbert , cet Abè illu-
 stre dit , que ce que l'homme
 veut par vne mauuaise volonté ,
 Dieu le veut de son costé par vne
 bonne volonté , l'exemple que
 j'ay entre les mains seruira de
 proeue , voila les compagnons
 de François de Sales , qui le veu-
 lent dans cette maison , ou ils a-
 uoient

uoient attirè cette Courtifane ;
leur volonté estoit mauuaife car
c' estoit pour le faire tomber ,
Dieu le vouloit dans cette mes-
me mailon affin de la tirer de sa
vie scandaleuse , sa volonté estoit
bonne le tout reussit heureuse-
ment se l'on l'intention de Dieu ;
il n'est pas tombè dans l'imagi-
nation de nostre Sainct, la moin-
dre penseè impure , sa vertu fust
plus glorieuse , car il estoit dans
le lieu de corruption , & la cor-
ruption ne le souilloit pas , il e-
stait parmy la contagion de ses
compagnons , & la contagion ne
le touchoit point ; ils furent sur-
pris d'estonnement de veoir que
son amour triomphoit de la vo-
luptè des sens, & ne doutès point
qu'il

qu'il ne luy soit arriuè depuis,
 comme a Sainct Bernardin de
 Sienne ses compagnons conceu-
 rent vne sy haute opinion de sa
 vertu, que passant ils s'escrioient,
 voicy venir Bernardin , tesmoi-
 gnants par la , qu'en sa presence
 rien ne leur seroit eschappè qui
 fust tant soit peu contrai-
 re a la loy de
 Dieu .



C

Trois

Troisiesme Triomphe de l' Ambition dans Rome .

LEs hommes attribuent ou a la fortune, ou au destin toutes les grandeurs qui leur arriuent, ils sont dans l'erreur, ie les veux de s'abuser; ie soustiens, que toutes les preeminences, & dignité Ecclesiastiques viennent d'une autre source, c'est la charité iointe a l'humilité qui en est la dispensatrice. Pour la proeuue de cette verité, i' apporte la dignité la plus haute qui soit dans l'Eglise, c'est celle du Pape, il est le Vicaire de Iesus Christ, il a pouuoir iusques dans le Ciel, il voit toutes les puissances qui s'incli-

s'inclinent, & s'abaissent pour l'adorer, les Roys ont vne couronne, mais le Vicaire de Iesus Christ en à trois; dou pensès vous que luy est venue cette puissance? ca este en suite de la charité? car Saint Pierre fust esleu Souuerain Pontiffe, parce qu'il auoit plus d'amour que tous les autres Apostres; ce fust encore par ce qu'il estoit le plus humble, son humilité à esclattè lors que le fils de Dieu luy demanda s'il auoit plus d'amour que tous, il n'osa se preferer a vn Seul, ce qui fust vn effect de son humilité, il est donc vray que c'est a la charité iointe a l'humilité que les Ecclesiastiques doibuent leurs dignités les plus eminentes. selon ces

C 2 senti-

sentiments , ie commence a
 comprendre pour quoy il y en à
 dans Rome qui souspirent après
 les dignités, qui font tout ce qui
 leur est possible pour les obtenir,
 & quoy qu'ils facent, ils ny sça-
 uroient paruenir; comme au con-
 traire, il y en à d'autres qui les
 fuyent , & ces dignités les vien-
 nent chercher , lors qu'ils sy at-
 tendoient le moins; il me sem-
 ble qu'il ny à point d'autre rai-
 son de cette difference, si non que
 c'est l'ambition qui porte les pre-
 miers a les desiderer , c'est elle
 qui les appelle a l'Episcopat, sans
 examiner s'ils ont le merite pour
 soustenir tout le poids de cette
 dignité, & comme la charité,
 & l'ambition ont quelque rap-
 port,

port, l'on croit qu'ils ont la charité, mais Dieu qui penetre dans le fonds de leurs coeurs, qui voit tout ce qui sy passe, & ne des-couvrant que des desirs ambitieux, ne permet pas qu'ils ayent la dignité qu'ils poursuivent, ou s'ils l'obtiennent, c'est pour leur ruine; quant a ce qui regarde ceux qui les fuyent, c'est par humilité, & la charité les oblige, & les presse de les accepter pour se rendre vtils au prochain, ce n'est pas que le demon ne se serve quelque fois de leur profonde humilité pour les empescher d'accepter la dignité eminente, leur suggerant, qu' ils doibuent se contenter de faire leur salut, qu'ils en auront plus de repos, &

C 3 que

que sy dans le tabernacle il y
 auoit de grands vases , & de pe-
 tits vases, tous auoient leurs pla-
 ces ausy bien les petits que les
 grands, mais venants a descou-
 urir que c'est l'artiffice du de-
 mon qui leur suggere ces pen-
 sées , affin d'empelcher le grand
 fruit qu'ils pouroient faire dans
 l'Eglise, la charité comme j'ay
 dit se presente pour les obliger
 d'accepter les grands employs,
 ayants les qualités qui les en-
 rendent dignes ; & comme leur
 humilité à triomphè de l'ambi-
 tion, leur charité triomphe de
 l'humilité ; ces deux triomphes
 se sont rencontrés heureusement
 en Saint François de Sales, il
 vint a Rome, & pouuoit parue-
 nir

nir a l'Episcopat, car il auoit tous les talents neceffaires pour cela, il ne forme aucun defir, il ne faict aucune pourfuitte, il n'employe point les follicitations, ny l'à faueur de fes Amys, il auoit cette opinion de luy mefme, qu' il estoit vn feruiteur jnutile, pefons bien cette inutilité, c'est autant que s'il eut dit, quelle vtilité aifie apportée iufques icy a la vie ciuille? en fuisse plus honnelle homme dans le monde; quelle vtilité pour la vie morale? en fuisse plus vertueux; quelle vtilité pour la vie de la grace? aifie plus de foy, plus d'esperance, & plus de charité; quelle vtilité pour la vie de la gloire? en aifie plus de

C + merite,

merite ; voila l' humilité de nostre Saint , qui l'appelloit desia a cette haute dignité dans l'Eglise , le demon jaloux eut bien desiré le faire perseuerer dans ce sentiment pour empêcher le fruit qu' il preuoioit dans la conuersion de Geneue , mais la charité fust triomphante , car elle luy fist penser a ce qu' auoit dit l' Apostre Saint Paul qu'.l ne cherchoit pas ce qui luy estoit vtile , mais ce qui estoit vtile a plusieurs , apres auoir resisté a l' eleuation que luy offroit le Pape Sixte , qui auoit faict reflection sur la Sainteté de sa vie , sur la suauité de ses moeurs , sur la pieté de ses escripts , sur son ardeur infatigable a rap-
peller

peller les heretiques dans le gi-
 ron de l'Eglise, sur son zele pour
 l'honneur de Dieu, & le salut
 du prochain, qui est a propre-
 mēt parler le caractere d'un Eues-
 que; le fist coadiuteur de l'Eues-
 chē de Geneue, & l'Euesque qui
 auoit predict qu'il seroit pour
 remplir sa place, venant a mou-
 rir, il succeda a l'Eueschē; & y
 fist les merueilles que vous ap-
 prendris dans le chapitre sui-
 uant; cette humilité, & cette
 charité ne se sont pas rencon-
 treēs dans la morale des Payens;
 ils n'auoient que de l'amour pro-
 pre, & de la vanité dans leurs
 vertus, qui pour cette raison esto-
 ient fausses, l'exemple expli-
 quera

quera ma penſee . Ciceron
 auoit vn frere , le quel aſpiroit
 comme luy a la dignité de Con-
 ſul dans Rome , il luy eſcriuit
 vne lettre ou il le prioit d'em-
 ployer tout ſon credit, la faueur,
 & ſon induſtrie pour luy faire
 obtenir cette dignité . Ciceron
 luy fiſt cette reſponce : *Romæ es ,*
& Conſulatum petis , comment
 oſès vous pourſuiure cette digni-
 té eſtant dans Rome , ou vous
 ſçauès qu'il y à tant de concur-
 rents , & qu'il eſt neceſſaire d'e-
 ſtre recommandable, ou par l'an-
 tiquité de la Nobleſſe , ou par
 l'abondance des richèſſes , ou
 par l'eminente vertu ; vous n'a-
 uès ny naiſſance, ny richèſſes,
 ny

ny vertu , qui vous en rendent
digne; mais tout ce que faiso-
ient les payens, c'estoit par le
sentiment de l'amour pro-
pre, & par prin-
cipe de va-
nité.



Qua-

*Quatriesme Triomphe du mensonge
dans Geneue .*

LA plus noble jdee que l'on
puisse former de l'amour ,
c'est de se le figurer comme vn
conquerant , les conquestes sont
bien differentes de celles de ces
antiens heros qui estoient Ro-
mains , ceux cy combattoient
pour la vanité , & François de
Sales pour la verité ; Geneue sui-
uoit le mensonge , & l'import-
tance est , que c'estoit en matie-
re de Religion , François de Sa-
les entreprend de la changer ;
que fera il ? il ira a la source du
mal pour y appliquer le reme-
de ; il est certain , que la volonté
de

de l'homme est cause de tout le bien, & de tout le mal, sy elle fuit la verité de l' Euangile, elle rencontre son bonheur, sy elle fuit l'erreur, & le mensonge, elle trouue son malheur, mais quoy Dieu estant la verité, ne pouuoit il pas forcer la volonté de suiure tousiours la verité, il le pouuoit, parce qu'il est maître de la volonté, mais sa toute puissance auroit faict tort a sa sagesse; comment cela, voicy comment, Dieu auoit accordé a l'homme le plus beau priuilege, qui estoit d'estre libre, c'est cette liberté qui le distingue des animaux, c'est elle qui le rend semblable a Dieu, sa sagesse pour luy conseruer cet aduantage, estoit

estoit engagée de le laisser dans le pouuoir d'embrasser la verité ou de suiure le menfonge. pour suiurons ce raisonnement, afin que la volonté suiue la verité; il faut la misericorde de Dieu, c'est ce qui est admirablement bien exprimé par les parolles de l'Apostre Sainct Paul, lors qu'il publie auoir receu les effects de cette misericorde, remarquès dit Sainct Augustin, que l'Apostre ne confesse pas les auoir receus, parce qu'il estoit fidel, mais pour estre fidel, en effect il faut que Dieu soit touché d'amour pour l'homme, or il ny à rien qui soit plus libre que l'amour, & rien qui soit plus necessaire, comment accorder ce la? il ny à rien de

de plus libre, car c'est la seule chose qui est en nostre disposition, il ny à rien qui soit sy necessaire que l'amour, car il ny à rien qui soit tant recommandé; ie satisfais a ce doute, en disant qu'il ny à rien de sy libre a l'égard de Dieu, & rien de sy necessaire pour nostre bonheur, heureuse Geneue que Dieu ait esté touché d'amour pour elle, ce qui marque sa misericorde, elle estoit rebelle a la verité, elle ne l'à vouloit pas croire, & de cette incredulité, voyès les consequences, les temples estoient ruinés; les autels abbattus, les decrets, les dogmes, les Canons de l'Eglise sans respect, sans obeissance, les Religieux dans le mespris,

mespris , les vierges exposees a la violence ; c'en estoit asès pour reprouuer cette Ville, cependant il ne le fit pas, o effect de sa misericorde. quand Dieu oste les Predicateurs des Villes , c'est signe de la reprobation de ces Villes , nous le voyons dans la Iudee , en ce peuple tant chery de Dieu , pour qui il faisoit pleuvoir la manne , & tout ce qui estoit necessaire dans le desert , il luy osta sa parolle , qui luy estoit annoncee par Sainct Paul , cela se voit au troisieme chapitre des Actes des Apostres, Dieu n'osta pas sa parolle a Geneue , car il y laissa François de Sales , le quel estant persuade des auantages qu'elle en deuoit receüoir , & qu'il

il ny auoit point de moyen plus
 puissant pour luy faire quitter le
 mensonge, & suiure la verité, il
 presche avec force, & avec dou-
 ceur, parce que la volonté est
 vne puissance, qui veut estre
 flatteè, les parolles toutes seules
 ne suffisent pas pour la persua-
 sion, il se sert des actions, les
 actions toutes seules ne sont pas
 suffisantes, mais l'vnion des pa-
 rolles, & des actions; c'est ce qui
 faict la persuasion, il en est dit
 Saint Gregoire comme du So-
 leil, le quel esclaire par sa lu-
 miere, & cette lumiere nous la
 voyons, il eschauffe par sa cha-
 leur, & cette chaleur nous la sen-
 tons, François de Sales disoit, &
 faisoit, il ressembloit a cet astre

D

qui

qui esclaire , & qui eschauffe en
 meſme temps, ſa chaleur eſtoit
 neceſſaire, car Geneue ſuiuoit
 l'heresie de Caluin , ce qui faiſt
 l'heresie c'eſt l'obſtination ; voi-
 cy vne comparaifon priſe de la
 ſaiſon de l'hiuer ou nous ſom-
 mes? il y à ſur les montaignes
 la neige, la gresle , & la glace , la
 neige à la froideur, & n'à pas la
 duretè, la gresle à la froideur, &
 la duretè, & n'à pas la conſisten-
 ce; la glace à la froideur, la dure-
 tè, & la conſiſtence ; or nous vo-
 yons quelques fois qu'un vent
 ſuruient qui eſt chaud, qui faiſt
 fondre cette neige , cette gresle,
 & cette glace ; voila ce qui eſt
 arriuè a Geneue, ſes habitans reſ-
 ſembloient a la glace, il en auo-
 ient

ient toute la dureté pour leur
 conuersion, François de Sales
 employe le feu de son zele ioint
 au vent fauorable de la grace qui
 faict fōdre cette glace; elle quitte
 l'obstination, la voila disposée a
 receuoir la verité, elle pleure
 l'auueuglement dans le quel elle
 estoit tombee; *flauerunt venti, &
 fluxerunt aquæ.* Nostre Sainct con-
 tinue la charité, mais quels tra-
 uaux n'à il point soustenus, quād
 il marchoit par des sentiers dif-
 ficils? a combien de perils ne s'est
 il point exposé? combien de
 fois s'est il deffendu du poison
 qui luy estoit preparé pour le
 faire mourir? combien de fois à
 il euité les pierres que la popu-
 lace auuegle luy auoit tirees?

D

2

mais

mais voyès les fruicts de ses travaux? combien de personnes persuadeès par la force de ses argument inuincibles, par les liures qu'il à composès, par ses disputes publiques, par les entretiens particnliers, combien d'heretiques ostinès detestent leurs erreurs, la renommèe conte iusques a septante deux mile qu'il à conuertis, & c'est avec grande raison que le Cardinal qui fust depuis Pape, & nommè Leon Vnziesme, comme ausy le Duc de Sauoye, luy ont donnè le nom d'Apostre de Chablais. La conduite de nostre Sainct estoit douce amoureuse, tres propre pour gagner les coeurs; elle fust bien differente de celle d'Elisèe, cette

ref-

reflection est belle . Le Roy de
 Sirie avec vne armée va assieger
 vne Ville, ce Prophete deman-
 de a Dieu qu'il frappe le Roy; &
 tous les soldats d' aueuglement ,
 Dieu les aueugle tous , ce n' est
 pas tout , Eliseè les approche , &
 dit au Roy, & a son armée, vous
 estes aueugles, vous ne sçauès pas
 ou vous estes , suiuez moy , que-
 ie vous conduise, il les conduit
 dans Samarie , & leur ferme les
 portes , les Samaritains estoient
 leurs mortels ennemys, qui cher-
 choient ce Roy pour le faire
 mourir, & qui auoient vne fureur
 contre luy , Eliseè les aiant ainsy
 conduits dans vne Ville qui leur
 estoit sy ennemie, il prie Dieu
 qu'il leur ouure les yeux , ils se

D 3 voyent

voient au militu de leurs ennemys, la conduite de nostre Sainct fut plus douce, comme i'ay dit, ne vous en estonnès pas, Dieu estoit touchè d'amour pour Geneue, il l'à vouloit sauuer, & la douceur estoit le moyen le plus propre a cet effect, elle estoit aueugle parce qu'elle suiuoit le mensonge, François de Sales entreprend d'estre son guide, il cõuie les habitans d'entendre ses sermons, il les conduit dans le Temple des Catholiques, il prie Dieu qu'il leur ouure les yeux, leurs yeux ne furent pas plustost ouuerts; qu'ils se voyent au milieu des fidels qu'ils descouurent estre leurs veritables amis, qui auoient arrestè dans ce Temple,

par

par leurs ardentes prieres le foudre de la justice de Dieu, qui les menaçoit de la perte de leur salut eternal, ils ont de la ioye de se voir receus avec tant d'aceueil, & d'estre desabusés de tant d'erreurs. O verité tu triomphe du mensonge, mais tu es redeüable de ton triomphe a la charité admirable de Saint François de Sales. en effect cideuant Geneue faisoit trois outrages a la pauvre verité, le premier estoit par le coeur, elle ne l'à vouloit pas croire; le second estoit par la langue, elle n'osoit publier la verité; le troisieme outrage estoit par la main, elle ne vouloit pas viure conformement a la verité connue, qu'est il arriuè, François de

Sales est venu plein de lumiere,
 plein de charité, il faiët enforte
 que presque toute cette Ville,
 acquiesce aux verités de l' Euan-
 gile qu'il annonce, elle confesse,
 qu'elle auoit esté assès malheu-
 reuse pour suiure le mensonge,
 & l'on apereuit presque en tous
 le changement des
 mœurs.



Cinquies.

*Cinquiesme Triomphe de l'insensibi-
lité du Pecheur dans ses
predications .*

ENtre les aduis que donne
le docte Auicene , le plus
important est que celuy qui à
beu du venin, se donne bien gar-
de de dormir , la raison qu'il en
donne, c'est que durant le som-
meil le venin est plus pernitieux
que durant les veilles, il exhorte
enfuitte ceux qui sont aupres du
malade d'empescher qu'il ne
dorme ; le pechè est vn venin ;
venenum aspidum; les Euesques ont
obligation de veiller pour faire
que celuy qui à esté asès mal-
heureux pour en boire, ne tom-
be

be pas dans l'assoupissement. Je
 commence a comprendre vn
 beau trait de la SainteEscriptu-
 re que iusques a present ie n'auois
 pu entendre . Dieu dit aux fil-
 les de Sion, parlant de son espou-
 ze, empeschès qu'on ne l'euille,
Filiæ Ierusalem ne suscitatis dilectā,
 mais a l'esgard du Lazare, il in-
 iuite ses Apostres, & les disci-
 ples de l'euiller, douuient la
 difference de cette conduite, &
 c'est que le premier sommeil e-
 stoit extatique, c'est celuy qui fi-
 gure l'ame Chrestienne que
 Dieu enleue du tumulte, & de
 l'embaras du monde pour luy
 donner le repos, & la quietude;
 mais il y à vn autre sommeil qui
 nous est representè par le Laza-
 re ;

re; j'entends celuy que cause le
 venin du pechè : ce sommeil est
 funeste, & perilleux, c'est pour
 cela qu'il veut qu'on l'eueille, i'ay
 dit qu'il estoit funeste il en faut
 iuger par rapport a celuy qui se
 rencontre dans la nature, lequel
 nous rend insensibles, parce qu'il
 lie nos sens, le sommeil du pechè
 produit ce mesme effect, Fran-
 çois de Sales qui auoit bien me-
 ditè cette doctrine, veut s'acquit-
 ter de son obligation, il pense,
 en luy mesme, qu'il est gardien
 de la vigne du Seigneur, il veoit
 que le pecheur dort sur le pan-
 chant du precipice, il l'eneille,
 surge, & pour l'eueillir, il l'es-
 fraye par la crainte des iuge-
 ments de Dieu dans ses predica-
 tions,

tions, qui estoient fort frequen-
tes, il ne leur annonce pas tou-
siours des verités agreables, mais
des verités terribles, il faut bien
remarquer, que plusieurs pen-
sent que pour auoir eu frayeur de
leur pechè, ils se sont repentis,
& que c'est assès, non, toute fra-
yeur du pechè n'est pas suffisan-
te, vous auès esté touchés dans
vne predication, vous auès eu
frayeur de vostre pechè, vous
n'êtes pas pour cela iustificiés. Je
le prouue, Sainct Pierre pres-
chant vn jour, il y eut beaucoup
de personnes qui furent saisies de
frayeur, ils demanderent a Sainct
Pierre: *Quid faciemus?* il leur dit,
faictes penitence; que veut dire
cela? ils sont saisis de frayeur sur
leurs

leurs pechès , & leur dit , faictes penitence , c'est donc qu' il ne suffit pas d'auoir cette frayeur ; il leur en arriue comme a ces personnes qui sont sur mer, elles ont des souleuements de coeur, & d'estomac , & sitost qu'elles sont sur le riuage elles se portent bien, elles sont en repos , aussy l'on aura tremblè dans vne predication , mais sitost que l'on sera sorty du sermon, l'on sera en repos, ce n'est donc pas assès d'auoir eu frayeur du pechè , il faut en second lieu que cette frayeur soit excitante , qu'elle eueille le pecheur de son assoupissement . François de Sales annonce la parolle de Dieu , la quelle est vne lumiere qui effraye, mais elle auoit cette vertu
dans

dans sa bouche qu'elle laissoit vn
 aiguillon dās le coeur du pecheur
 qui le piquoit sans cesse du desir
 de sa conuersion , & qui luy fai-
 soit vomir le venin du pechè ;
 combien d'jnfidels apres auoir re-
 ceu cette lumiere se sont conuer-
 tis ? combien qui ayant receu les
 verités de l'Euangile , ont perse-
 uerè dans la creance de ces veri-
 tès, qui leur auoient esté annon-
 cès . Parmy ces jnfidels il y en
 auoit vn dont il auoit entrepris
 la conuersion, c'estoit Bese, il s'a-
 dresse a luy avec ces parolles , E-
 ueille toy , ne sois plus rebele a
 la lumiere. pense qu'il y a de la
 gloire de ceder a la verité, de n'e-
 stre plus opiniastre , de ne plus
 supposer a l'autorité de nostre
 mere

mere la Sainte Eglise . François
 de Sales ne triomphoit pas seu-
 lement de l'insensibilité des pe-
 cheurs, la charité triomphoit en-
 core de la froideur des Chre-
 stiens ; plusieurs estoient rebuttès
 de la vie spirituelle, & de la per-
 fection, sur cette fausse persua-
 sion qu'elle cōsiste dans les mor-
 tifications de la chair, dans les
 excès d'esprit, dans les deffail-
 lances du coeur, dans les extases,
 & ravissements ; il desabuse les
 Chrestiens de cette erreur, & cō-
 me ce grand Sainct auoit vn es-
 prit de douceur, de suauité, de
 dilection, de charité, il establit la
 veritable deuotion, dans vne tres
 douce, & tres aymable confor-
 mitè a la volonté diuine, ne pen-
 sès

sès pas s'il vous plaist, que cet establissement soit vne inuention de son esprit, il à son fondement dans ces parolles de la Saincte Escrip-
ture : Soyès parfaicts comme vostre Pere Celeste est parfait. I'aurois creu qu'il auroit voulu releguer les personnes dans les deferts de la Thebaide, ou sur le mont Auerne, ou dans l'horreur de Camaldoli, non il s'aresta a l'exposition que l'Ange de l'Echolle Sainct Thomas à donnè de ces parolles : *Esote perfecti secundum modum propriæ perfectionis*, il veut dire que la deuotion se peut rencontrer dans tous les Chrestiens, & qu'elle doibt estre prise de chaque condition, & comme dans toute
condi-

condition l'on peut faire la vo-
lonté de Dieu; ausy il ny en
à point qui donne l'ex-
clusion de la vra-
ye deuo-
tion.



E

Sixies-

*Sixiesme Triomphe du monde , au
milieu du monde .*

IL y à deux manieres de triō-
pher d'un ennemy, ou par la
fuite, ou en l'attaquant dans
son fort, le monde est nostre
ennemy, il y en à qui rempor-
tent la victoire sur luy, en le
fuyant, comme les hermites, &
tous ceux qui ayment la solitu-
de, ils sont a couuert des hon-
neurs, des richesses, & des plai-
sirs, leurs ames goustent la quie-
rude d'esprit, & ne voudroient
pas quaucun les vint troubler
dans les chastes embrassements
quelles, ont avec Dieu leur es-
poux, il y en à d'autres qui m'es-
pri-

prisent ces honneurs, ces richesses, & ces plaisirs sans sortir du monde ; sy vous demandés à Saint Pierre Chrysologue , lequel de ces deux triomphes est le plus glorieux, il vous dira, que c'est ce dernier, voicy ses paroles : *Difficilius quidem, sed gloriosius, mundo presente luctari* ; Saint Bernard est de mesme sentiment , lors qu'il dit que d'estre avec les bons, c'est le moyen de se son salut, mais de se trouver avec les merchants sans participer a leur malice, c'est s'acquiescer de la louange, dans le premier rencontre, il y à autant de facilitè, & de seureté, qu'il y à dans le second de difficulté, & de vertu ; mais² douvient, dirès

E 2 vous,

vous, qui ayant des ames sy genereuses dans les deserts, elles ne quittent point leur solitude, pour s'acquiescer cette gloire; ien ay touché la raison, c'est qu'elles trouuent leur seureté dans le poste qu'elles ont choisies, elles ont crainte d'estre surprises, par les attrails du monde, mais cela estant, pour quoy est ce que toutes les personnes qui sont dans le monde, ne se reffugient pas dans les spelonques, & les solitudes? c'est que Dieu prend plaisir de les veoir combattre en presence de leur ennemy, & quoy que les plaisirs ayent beaucoup de pouoir, Dieu ne les abandonne pas dans le combat, il respand des amertumes sur les plaisirs pour
leur

leur en donner du desgoust, comme il a faict a Sainct Augustin, il se comporte iustement comme vne nourrice, quand elle voit que son enfant ne proffite pas, parce que le laiçt qu'elle luy dōne est vne viande trop delicatte, & qu'il luy en faut vne plus solide, que faict elle? elle met vn peu d'amertume sur sa mamelle, cet enfant venant a succer la douceur du laiçt, trouue de l'amertume, il s' imagine que ce laiçt est changè en amertume, avec sa main, il rebutte la mamelle, & oblige la nourrice a la fermer. François de Sales estoit du nombre de ces ames genereuses, sa condition d'Euclque l'engageoit d'estre parmy le monde,

il ne prenoit rien du monde , il pouuoit arriuer a la dignité de Cardinal , il ne se laiffe point esclouir par la lumiere de la pourpre, on luy offre de l'argent, il ne se laiffe point surprendre par son esclat , il conuerse avec les personnes de l'un, & de l'autre sexe, il ne pense dans leur conuersation qu'à l'honneur de Dieu, & à l'vtilité de leur salut; il est cōparé au lis, c'est sans doubte, parce que le lis à cella de propre , que du costé qu'il touche la terre, il est fort estroit, & du costé du Ciel il est fort large, & tout ouuert, voila comme estoit François de Sales , il ne touchoit au monde , & a la terre que par necessité, le moins qu'il luy estoit

stoit possible, mais du costè du
 Ciel vous leussies pris pour vn
 de ces esprits celestes, qui fust
 descendu pour donuer du
 secours sans per-
 dre Dieu de
 veue.



*Septiesme Triomphe de la Jalouzie,
dans l'Institution de
son Ordre.*

Sainct François de Sales à
aymè tous les Ordres Reli-
gieux, mais ses affections n'ont
pas esté esgalement distribueës,
il en à eu de particulieres pour
l'Ordre des Reuerends Peres Mi-
nimes, parce qu'il auoit deuotion
a ce grand Sainct, & qu'il en
portoit le cordon, il à rendu du-
rant sa vie de hauts tesmoigna-
ges de la vertu admirable de ces
Peres, & s'il reuenoit au monde,
il en rendroit de tres authenti-
ques en faueur de la pietè de ceux
de Rome, principalement de
ceux

ceux de la Trinité du mont, qui
 font tant d'honneur à la France,
 & a Saint François de Sales, le
 iour de la feste estants de concert
 & d'intelligence, avec les Dames
 Religieuses de la Visitation pour
 la celebrer avec pompe : & puis-
 que i'ay nommé ces Dames, ce-
 la me faict souuenir qu'il à eu des
 affections toutes speciales pour
 leur ordre, parce qu'il en est
 l'Instituteur ; son amour à conti-
 nuè apres sa mort, car nous vo-
 yons qu'il florit, & qu'il y à plus
 de trois cent Monasteres de ses
 filles, ce qui ne peut venir que
 du pouuoir de ses intercessions
 dans le Ciel ; or cet amour fust
 triomphant, en quoy consiste
 son

son triomphe, c'est qu'il à sçeu
 empescher la Ialouzie des autres
 Ordres Religieux; auès vous pris
 garde? que quand vn Ordre nou-
 uveau commence a florir, la Ia-
 louzie paroist incontinent apres,
 l'on apeine de veoir son esleua-
 tion, & son estendue, sans faire
 refflection, que le Cloistre est
 vne image de ce qui se passe dans
 le Ciel, ou il y à differents de-
 gres de gloire, & toutes fois les
 inferieurs sont ausy satisfaiçts
 de la felicitè des Superieurs, que
 de leur propre bonheur, ce qui
 procede de la charitè, la quelle
 veut qu'on se resiouisse auec ceux
 qui se resiouissent; & ce qui faiçt
 bien a mon suiet, c'est que la
 chari-

charité dans les différents Ordres Religieux ayant différents offices, celle de l'Ordre de la Visitation, est vne charité douce, suauue, humble, compatissante, aux deffaux du prochain, qui sont toutes qualités capables de gagner les cœurs, mesme de ceox qui seroient ialoux de leur progres, & de leur auancement; ce grand Saint consideroit l'Eglise comme vn iardin, & dans ce iardin il vouloit que ses filles bien aymeës fussent comme les violettes, & les plus petits fleurs, c'est a dire qu'elles perdissent toute sorte d'estime d'elles mesmes, si bien qu'ayant l'humilité qui les oblige de ceder a tous,

tous, & la charité qui compa-
tit aux deffaux de tous, elles em-
peschent la jalouzie, qui prend
sa naissance de la superbe, &
de l' amour propre,
dont elles sont
fort esloi-
gneès.



Huicties-

*Huictiesme Triomphe de la justice
de Dieu dans vne
maladie.*

ENtre les marques que quelques Saints ont fait paroître de leur amour envers le prochain, l'une des plus grandes c'est que non seulement ils aymoient les fidels, & les infidels, mais encore les damnés, ils respandoient sur eux des larmes les plus amères du monde, quoy qu'il fussent persuadés que leurs larmes estoient versées inutilement. Saint François de Sales donna vne proeue de son amour envers Dieu plus admirable, vous n'aurez pas peine d'entendre

dre cette verité, sy vous vous sou-
 uenès qu' il tomba malade dans
 vne Ville , & que le demon prit
 ce temps pour troubler son ima-
 gination , il le fist entrer dans
 vne incertitude de son salut , car
 François de Sales pensoit en luy
 mesme, serai ie dans le Ciel ? se-
 rai ie dans l' Enfer ? serai ie pre-
 destinè ? serai ie reprouuè ? serai
 ie a la droite ? serai ie a la gau-
 che ? serai ie du costè des boues ?
 serai ie du costè des agneaux ?
 cette incertitude luy donnoit
 beaucoup des motion, le demon
 ne s'arestte pas la , il luy en fist
 naistre dans l'esprit vne plus in-
 suportable , car il luy imprima
 dans l'imagination qu' il feroit
 du nombre des damnès : vous
 auès

auès de l'impatience d'apprendre ce qui reussira de cette image sy affreuse ; son amour sert pour triompher de la justice de Dieu dans l'Enfer ; que fera cette justice pour empescher que l'amour ne remporte la victoire ? elle se seruira de l'absence, quand l'absence n'est que pour vn temps, elle peut augmenter l'affection, mais quand cette absence est pour tousiours, elle oste l'affection, & la destruit, tout le contraire arriue en nostre Amant, il veoit par imagination qu'il sera separè pour jamais de l'obiet de ses affections, qui est Dieu, & dans la veüe de cette separation, son amour prit accroissement, il forme la resolution d'aymer
Dieu

Dieu durant cette absence ,
 quoy qu'elle deubt estre eternel-
 le . il auoit deux tourments , le
 premier estoit de se veoir dans
 les feux , & dans les Gehennes ;
 le second de veoir que son amour
 ne seroit point recompensé par
 l'amour ; ce dernier passe toute
 imagination , & que nul hom-
 me ne pouroit souffrir, si ce n'est
 Sainct François de Sales, qui le
 souffroit pour Dieu . Sainct Ber-
 nard disoit : Serués Dieu, mes
 freres, dans la charité, c'est elle,
 qui bannit la crainte, c'est elle,
 qui adoucit tous les maux , c'est
 elle qui ne faict point de refle-
 ction sur les merites, c'est elle qui
 attend vne grande recompense ;
 mais la charité de Sainct Fran-
 çois

çois de Sales dans l'occasion
 presente, est avec la crainte, el-
 le augmente ses peines, elle est
 sans merite, elle n'attend point
 de recompense ; il faut par ne-
 cessité que la justice de Dieu luy
 cede. pour confirmation de ce
 que ie viens d'auancer, ie me fers
 de la remarque de Valere Ma-
 xime, c'est a sçauoir que les Ro-
 mains ne decernoient point de
 triomphe a ceux qui auoient re-
 couuert les Villes de l'Empire,
 les quelles auoient esté perdues,
 mais bien a ceux qui auoient e-
 tendu l'Empire, cecy estant
 presupposé ; raisonnons de la
 sorte, l'amour diuin à son Em-
 pire dans le Ciel, les Saints sont
 dans vne heureuse necessité d'es-

F

tre

tre attachés a Dieu par affection,
l'amour à son empire sur la terre,
car il y a vne infinité d'ames,
qui n'ayment que Dieu , qui ne
veulent que Dieu , qui s'vnissent
a luy comme a leur souuerain-
bien ; dans le Purgatoire l'amour
y reigné encore, car les ames qui
y sont enfermeés, ayants plus de
connoissance de la beauté, & de
la grandeur de Dieu, ont des des-
sirs plus violents de sy vnir, il
ny a que dans l'enfer, ou l'a-
mour n'auoit point d'empire,
c'est la justice toute seule qui y
regne, les damnés n'ayant pas
aymé Dieu comme Pere, le haïs-
sent comme Iuge, qu'à faict
François de Sales? il veut esten-
dre les limites de l'amour, il
croit

croit qu' il sera pres de la beauté
 fouueraine sans oser y tourner la
 veue, & ne laisse pas dy porter
 ses affections, il apprehende que
 ce ne soit la volonté de Dieu qui
 exerce sur luy sa justice, & veut
 bien sy conformer, non obstant
 les tourments des damnès, & ceux
 de son amour. O amour tu es
 victorieux de la iustice de Dieu,
 le triomphe t'appartient. Tout
 ce que ie viens d'alleguer de cet
 Amant, s'est paisè dans l'imagi-
 nation, & dans son coeur, mais
 l'image qui estoit dans l'imagina-
 tion estoit fausse, & l'amour qui
 estoit dans son coeur estoit veri-
 table; le demon est confus, il se
 retire avec honte, il arriue a no-
 stre Sainct comme au Soleil dans

la nature, le quel semble est obscur cy par les nuages, ces nuages ne font pas qu'il soit absent, & pour proeuue, qu'il est present, c'est qu'il les dissipe, il sembloit ausy durant cette suggestion du demon, que Dieu fust esloigné de nostre Amant, mais il estoit intimement present a son ame, & n'à permise ce trouble, que pour faire triompher d'auantage l'amour de Saint François de Sales; son ame fust en repos de puis, de ce costè la, son amour mesme estoit vne marque de sa predetermination.



Nepuies-

Nepuiesme Triomphe de la corruption du corps apres sa mort.

SY Adam dans le Paradis terrestre n'eut point formé le dessein d'esleuer sa condition, & qu'il n'eut point contrevenu a la loy de Dieu, son corps auroit iouy du priuilege d'estre immortel, ce qui à faict dire au grand Sainct Augustin, voyès que la mort, & la corruption ne viennent pas de la loy de la nature, mais de la loy du pechè, l'ame est separee avec douleur du corps, par ce qu'elle s'est separee avec plaisir de son Dieu, le corps doit retourner en poussiere,

F 3 parce-

parce qu'il y auoit des pechès ,
 qui estoient comme des vers , &
 des serpens dans son ame, voila
 pourquoy il estoit iuste qu'il fust
 dans la pouriture , mais qui a-
 uroit trouuè le moyen de rentrer
 dans l'estat d'innocence ou e-
 stoit nostre premier Pere, ne me-
 riteroit il pas que s^{on} corps en fust
 exempt , François de Sales esto-
 it vn Adam innocent , depuis le
 commencement de sa vie iusques
 a la fin , il n'à commis aucun pe-
 chè, ses yeux qui n'ont jamais re-
 gardè les obiets de la terre que
 pour les mespriser , ne deuoient
 pas estre subiets a la corruption ,
 sa bouche qui n'auoit que des bé-
 nedictions en deuoit estre pareil-
 lement exempte, ses mains, qui
 esto-

estoyent pleines de graces , & qui n'estoyent occuppees qu' a operer des mitacles , ne deuoient pas estre dans la pouriture, tout son corps que l'humilité vouloit dōner aux Anatomistes pour en faire la dissection , deuoit demeurer dans son entier , par ce que cette vertu iointe a la charité l'auoit esleuè comme vn esprit : c'est vne raison qui prouue l'incorruptibilité de son corps , il y en à vne seconde , qui n' est pas moins digne de reflection ; toutes les parties de son corps estoient employeès pour la Saincteté il couuroit sa chair d'vn cilice ; il exerçoit sur elle vne espee de tyrannie par les disciplines, & les penitences? combien de fatigues,

F 4

& de

& de voyages de ce corps dans les viſittes de ſon Dioceſe ? mais fuſt tout ſon corps ſ'eſtoit ſpiritualiſè en conſervant la virginitè, qui eſt l'honneur, & la gloire du corps, il eſtoit doncques bien raſonnable, qu'il jouit du priuilege des eſprits, qui ſont incorruptibles. ſy l'opinion eſtoit veritable de ceux qui ont auançè qu'il y auoit des Anges corporels; i'aurois creu Sainct François de Sales de ce nombre, la chaſtetè eſt vn beaume precieus qui empelche la corruption. Voicy vne obiection qui ne manquera pas de m'eſtre faicte, c'eſt qu'encore que ſon corps fuſt deuenu, ſ'il eſt permis, de le dire ſpirituel, cela n'empelchoit pas qu'il ne deubt

deubt estre corruptible, parce-
 qu'il estoit composé des quatre
 elements, les Philosophes disent
 que le mixte par cette raison est
 suiet a la corruption, ie responds
 que Sainct François de Sales auoit
 quelque empire sur les quatre
 elements, il en auoit sur l'eau, il
 arresta vne tempeste sur la mer ;
 il en auoit sur l'air, car il fit que
 l'air en ce rencontre estoit serain ;
 il en auoit sur le feu, ce globe de
 feu qui parust sur sa teste ressem-
 bloit a celuy du buisson ardent,
 qui esclairoit, & ne consommoit
 pas ; il en auoit sur la terre par les
 morts qu'il en à faict sortir, &
 qu'il à ressuscitès, ce dōmaine qu'il
 auoit sur les quatre elements l'e-
 xemptoit heureusement de la
 corruption.

Con-

Conclusion.

L Es Triomphes ne vont jamais seuls, il y en à qui les accompagnent, & il y en à d'autres qui les suivent, nous auons veu ceux de François de Sales nous auons admiré que toutes les vertus, mais principalement la charité formoient vn corps d'armée, parce que les vices se presentoient a luy pour luy declarer la guerre, l'ambition l'attaque dans Rome, l'impureté dans Padoue, l'heresie dans Geneue, l'appetit irascible trouue de la disposition dans son ame, pour le faire tomber dans la colere, l'appetit concupiscible luy offre la satisfaction
des

des sens , qu'à faict François de Sales, mais que n'à il point faict, autant de combats ? autant de victoires ? autant de victoires ? autant de triomphes ? mais ces triomphes doibuent estre suiuis des nostres ; car il y à difference d'auec ceux des Romains, tout le fruiet de ceux cy, estoit de seruir de spectacle , & donner de la satisfaction a ceux qui les regardoient, mais dans les tropheès des Saints , outre l'admiration, il faut l'imitation ; la raison est, que la vie du Chretien est vn perpetuel combat, & ce qui est bien digne de remarque, c'est qu'il ne suffit pas de combattre, l'on est obligè de remporter la victoire, car la Sainte

Escri-

Es scripture donne cet aduis : *Non coronabitur nisi qui legitime certauerit* , c'est l'amour diuin qui à faict remporter toutes les victoires a nostre Sainct , cet amour est vn don de Dieu, ce don est accordé a la priere, demandons a Dieu qui est charité, qu'il respande dans nos coeurs la charité , c'est elle qui nous fera combattre , c'est elle qui nous rendra victorieux , c'est elle qui nous fera triompher .

